



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 29 fulan-juñu tinan 2020

Konsellu Ministrus hala'ó sorumutuk iha Palásiu Governu, iha Dili no aprova limite másimu husi Orsamentu ho valór dólar amerikanu millaun 1.492,3 ba Orsamentu Jerál Estadu (OJE) ba tinan finanseiru 2020 nian. Prioridade sira ne'ebé define ona ba OJE 2020 nian maka: estabilizasaun setór sosiál, ho foku ba saúde, edukasaun, formasaun, bee no saneamentu; estabilizasaun setór ekonómiku, ho foku ba promosaun investimentu setór privadu nian, kriaun empregu, agrikultura no seguransa ai-han, no polítika makroekonómika; no reforma sira kona-ba administrasaun públika, ekonomia, sistema judisiáriu no jestaun finansas públikas. Bazeia ba prioridade hirak ne'e, husi valór total OJE nian, 33,8 % sei aplika ba setór sosiál (8% ba edukasaun, 15% ba protesaun sosiál, 11% ba saúde) no 48,5% sei aplika ba dezvoltamentu ekonómiku no infraestrutura (inklui medida sira ba estabilizasaun ekonómika, iha ámbitu COVID-19 nian).

Membru Governu sira aprova ona mós kalendáriu atu halo preparasaun ba OJE 2020 no 2021 nian. Projeitu Proposta Lei ba OJE 2020 sei aprova iha Konsellu Ministrus iha loron 26 fulan-agostu no sei submete ba Parlamentu Nasionál hahú iha loron 15 fulan-setembru.

Kona fali ba kalendáriu ba OJE 2021 nian, prevee ona katak Konsellu Ministrus bele apresia projeto Proposta Lei ne'e iha loron 25 fulan-setembru no sei submete ba Parlamentu Nasionál to'o loron 15 fulan-outubru. **Remata**



Palácio do Governo,
Avenida Presidente Nicolau Lobato,
Dili, Timor-Leste